

Agosto 31, 2020

Patgenmi a Nagannak/Agay-aywan:

Inton Nobiembre, makiddawto iti anakmo a mangsungbat iti 2020-2021 Panorama Surbey ti Estudiante (2020-2021 Panorama Student Survey). Napateg unay ti panirigan ti anakmo. Dagiti sungbatna iti surbey ibagianda ti bosesna iti pannakapasayaat ti panagisuro dagiti mannursuro ken iti sibubukel a kalidad ti biag iti eskuela. Dumdumngegkami!

Ti Panorama Surbey ti Estudiante ket ipaaynanto kadagiti mannursuro dagiti panirigan dagiti estudiante iti siled-pagadalan ken iti sibubukel a padasda iti eskuela a mabalin a maaramat a kas pammaneknek a pangsuportar iti Kangrunaan a Mangipakita iti Propesionalismo, Pampanunot iti Panagisuro a paset ti Sistema ti Kinasamay ti Edukador wenna Educator Effectiveness System (EES). Kas nayonna, dagiti resulta ti surbey ket maaramatto a pangkarkulo iti rukod ti kalidad ti biag iti eskuela para iti sistema ti responsibilidad ti Strive HI (Strive HI accountability system). Mairaman iti surbey dagiti saludsod iti surbey iti kinatalged a naipalaon iti Surbey iti Kalidad ti Eskuela ti Departamento ti Edukasion ti Hawaii (HIDOE).

Kompidensial dagiti sungbat ti indibidual nga estudiante ket dinto maammuan no asino dagiti naggapuanda. Tapno mapagtalinaed ti kompidensialidad, ipisokto ti anakmo ti nasungbatanna a papel ti surbey iti maysa a sobre ken serraanna daytoy. Dagiti sobre ket luktan ken asikasuento dagiti empleado ti kompania a nangiwayat iti surbey iti mismo nga uneg ti pasilidad ti kompania. Dagiti sungbat iti surbey a maipatulod babaen ti internet ket maipatulod a direkta iti isu met laeng a kompania a nangiwayat iti surbey tapno maasikaso. Maipatulod dagiti datos dagiti nagupgop a sungbat dagiti estudiante kadagiti grupo dagiti lider ti State ken Complex Area ti HIDOE, kadagiti prinsipal, ken kadagiti titser tapno mapasayaat dagiti aramid iti edukasion. Saan a maipatulod kadakuada dagiti indibidual a sungbat.

Ti Panorama Surbey ti Estudiante ket napataud babaen ti panangidaulo ni Dr. Hunter Gehlbach, Propesor ken Katulongan a Dekano iti John Hopkin's University School of Education, ken Direktor ti Panagsukisok iti Panorama Education. Sinurot da Dr. Gehlbach ken ti maysa a grupo dagiti agsukisok manipud iti Harvard Graduate School of Education ti naiget a proseso iti panangaramidda iti surbey a buklen ti pannakarepaso dagiti literatura, pannakiuman iti adu a grupo dagiti nadumaduma a tattao, balakad manipud kadagiti eksperto iti sapa sapag pagilian, pannakiuman kadagiti estudiante, ken adu a pannakaipadas ken pannakapasayaat.

Daytoy a surbey ket saan nga inkapilitan; nupay kasta, dagiti panirigan ti anakmo ket napateg tapno tapno maipanamna ti maysa a dekalidad a sistema ti edukasion. Kiddawenmi ti tulongmo iti pannakaallukoy ti anakmo a makipartisipar ken mangsungbat a sipupudno kadagiti saludsod iti surbey. No aramidem daytoy, awanen ti makiddaw manipud kenka malaksid no di kayat ti anakmo ti mangsungbat iti surbey.

No kiddawem a di makipartisipar ti anakmo iti surbey, kompletuem ti naisapit Pormulario ti Panagkedked iti Panorama Surbey ti Estudiante. Tsekam ti kahon a "Ti anakko ket SAAN a makipartisipar iti Panorama Surbey ti Estudiante," itedmo dagiti nakiddaw nga impormasion, pirmaam ti pormulario, ken isubmitirmo ti pormulario iti eskuela ti anakmo. Dagiti pormulario ket maisubmitir iti eskuela iti di naladladaw ngem iti petsa a nailista iti naisapit a Pormulario ti Panagkedked iti Panorama Surbey ti Estudiante.

Iti nagan ti Departamento ti Edukasion, agyamankami iti kooperasion ken suportayo kadagiti eskuelatayo a para iti publiko. No adda ania man a saludsodyo, awaganyo koma ni Ms. Morgan Yamamoto, Accountability Section, iti (808) 733-4008 wenna iti HIDOE EES Help Desk iti (808) 586-4072.

Sipupudno,

Dr. Christina M. Kishimoto
Superintendente

Sipupudno,

Prinsipal

PORMULARIO TI PANAGKEDKED
ITI PANORAMA SURBEY TI ESTUDIANTE

No dimo kayat a makipartisipar ti anakmo iti Panorama Surbey ti Estudiante:

- **Tsekam ti kahon iti baba**
- **Isurat dagiti kasapulan nga impormasion**
- **Pirmaam**
- **Isubli iti eskuela iti di naladladaw ngem _____, 2020**

Iti Eskuela:

Ti anakko ket SAAN a makipartisipar iti Panorama Surbey ti Estudiante.

Nagan ti
Estudiante: _____ Grado: _____ Track: _____

Nagan ti
Nagannak: _____ Nagan ti
Mannursuro: _____

Pirma ti
Nagannak: _____ Petsa: _____

*** Saan a balido daytoy a pormulario no awan pirma ti nagannak.**

Daytoy a Pormulario ti Panagkedked ket balido para iti Tawen ti Eskuela 2020-2021